

Հարց 1

Ինչպե՞ս է ժողովուրդն իր իշխանությունն իրականացնում ՀՀ-ում.

ազատ ընտրությունների, հանրաքվեների, ինչպես նաև Սահմանադրությամբ նախատեսված պետական և տեղական ինքնակառավարման մարմինների ու պաշտոնատար անձանց միջոցով:

(ՀՀ Սահմանադրություն, հոդված 2)

Հարց 2

Ո՞ր իրավական ակտերին պետք է համապատասխանեն օրենքները՝

Սահմանադրական օրենքներին:

(ՀՀ Սահմանադրություն, հոդված 5)

Հարց 3

Ո՞ր իրավական ակտերին պետք է համապատասխանեն ենթաօրենսդրական նորմատիվ իրավական ակտերը՝

Սահմանադրական օրենքներին և օրենքներին:

(ՀՀ Սահմանադրություն, հոդված 5)

Հարց 4

Հայաստանի Հանրապետության վավերացած միջազգային պայմանագրերի և օրենքների նորմերի միջև հակասության դեպքում ո՞ր նորմերն են կիրառվում՝

Միջազգային պայմանագրերի նորմերը:

(ՀՀ Սահմանադրություն, հոդված 5)

Հարց 5

Ե՞րբ են ուժի մեջ մտնում օրենքները և ենթաօրենսդրական նորմատիվ իրավական ակտերը.

օրենքով սահմանված կարգով հրապարակվելուց հետո:

(ՀՀ Սահմանադրություն, հոդված 6)

Հարց 6

ՀՀ Սահմանադրությանը և օրենքներին համապատասխան ինչպե՞ս է իրականացվում պետական իշխանությունը ՀՀ-ում.

օրենսդիր, գործադիր և դատական իշխանությունների բաժանման և հավասարակշռման հիման վրա:

(ՀՀ Սահմանադրություն, հոդված 4)

Հարց 7

Պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են.

ՀՀ Սահմանադրությամբ կամ օրենքներով:

(ՀՀ Սահմանադրություն, հոդված 6)

Հարց 8

Ինչպե՞ս են անցկացվում ՀՀ Ազգային ժողովի և համայնքների ավագանիների ընտրությունները, ինչպես նաև հանրաքվեները`

Ընդհանուր, հավասար, ազատ և ուղղակի ընտրական իրավունքի հիման վրա` գաղտնի քվեարկությամբ:

(ՀՀ Սահմանադրություն, հոդված 7)

Հարց 9

Նշվածներից ո՞վ է պարտավոր օրենքով սահմանված կարգով մասնակցել Հայաստանի Հանրապետության պաշտպանությանը

Յուրաքանչյուր քաղաքացի:

(ՀՀ Սահմանադրություն, հոդված 14)

Հարց 10

Նշվածներից ի՞նչն է երաշխավորվում Հայաստանի Հանրապետությունում`

Կրոնական կազմակերպությունների գործունեության ազատությունը:

(ՀՀ Սահմանադրություն, հոդված 17)

Հարց 11

Նշվածներից ո՞ր իրավական ակտով կարող են կարգավորվել Հայաստանի Հանրապետության և Հայաստանյաց առաքելական սուրբ եկեղեցու հարաբերությունները՝

օրենքով:

(ՀՀ Սահմանադրություն, հոդված 18)

Հարց 12

Նշվածներից ո՞ր իրավական ակտով են սահմանվում Հայաստանի Հանրապետության դրոշի և զինանշանի մանրամասն նկարագրությունը՝

Օրենքով:

(ՀՀ Սահմանադրություն, հոդված 21)

Հարց 13

Նշվածներից ո՞ր դեպքում անձն օրենքով սահմանված կարգով կարող է զրկվել անձնական ազատությունից

Եթե անձը չի ենթարկվել դատարանի իրավաչափ կարգադրությանը:

(ՀՀ Սահմանադրություն, հոդված 27)

Հարց 14

Անձնական ազատությունից զրկված անձը ե՞րբ է տեղեկացվում ազատությունից զրկվելու պատճառների, իսկ քրեական մեղադրանք ներկայացվելու դեպքում՝ նաև մեղադրանքի մասին

Անհապաղ:

(ՀՀ Սահմանադրություն, հոդված 27)

Հարց 15

Ո՞վ ունի նամակագրության, հեռախոսային խոսակցությունների և հաղորդակցության այլ ձևերի ազատության և գաղտնիության իրավունք.

յուրաքանչյուր ոք:

(ՀՀ Սահմանադրություն, հոդված 33)

Հարց 16

Ի՞նչ նպատակով կարող է օրենքով սահմանափակվել ամուսնանալու ազատությունը՝

Առողջության և բարոյականության պաշտպանության նպատակով:

(ՀՀ Սահմանադրություն, հոդված 35)

Հարց 17

Ովքե՞ր ունեն իրենց ավանդույթների, կրոնի, լեզվի և մշակույթի պահպանման ու զարգացման իրավունք.

ազգային փոքրամասնություններին պատկանող անձինք:

(ՀՀ Սահմանադրություն, հոդված 56)

Հարց 18

Ի՞նչ հարցերում են ՀՀ զինված ուժերը պահպանում չեզոքություն.

քաղաքական:

(ՀՀ Սահմանադրություն, հոդված 14)

Հարց 19

Նշվածներից ո՞վ է /ովքե՞ր են/ պարտավոր հոգ տանել իր /իրենց/ անաշխատունակ և կարիքավոր ծնողների մասին`

Չափահաս աշխատունակ անձինք:

(ՀՀ Սահմանադրություն, հոդված 36)

Հարց 20

Նշվածներից ու՞մ /ո՞ր մարմնի/ հոգածության և պաշտպանության ներքո են առանց ծնողական խնամքի մնացած երեխաները`

Պետության:

(ՀՀ Սահմանադրություն, հոդված 37)

Հարց 21

Նշվածներից ո՞վ ունի Հայաստանի Հանրապետության տարածքում ազատ տեղաշարժելու և բնակավայր ընտրելու իրավունք`

Հայաստանի Հանրապետության տարածքում օրինական հիմքերով գտնվող յուրաքանչյուր ոք:

(ՀՀ Սահմանադրություն, հոդված 40)

Հարց 22

Հայաստանի Հանրապետության քաղաքացու ո՞ր իրավունքը սահմանափակման ենթակա չէ`

Հայաստանի Հանրապետություն մուտք գործելու իրավունքը:

(ՀՀ Սահմանադրություն, հոդված 40)

Հարց 23

Ո՞ր իրավական ակտով սահմանված դեպքերում և ո՞ր իրավական ակտով կարող է կասեցվել կուսակցության գործունեությունը՝

Օրենքով սահմանված դեպքերում՝ ՀՀ սահմանադրական դատարանի որոշմամբ:

(ՀՀ Սահմանադրություն, հոդված 46)

Հարց 24

Հայաստանի Հանրապետության քաղաքացին ինչի՞ց չի կարող զրկվել՝

Քաղաքացիությունից:

(ՀՀ Սահմանադրություն, հոդված 47)

Հարց 25

Ո՞վ ունի ՀՀ-ում քաղաքական ապաստան հայցելու իրավունք.

քաղաքական հետապնդման ենթարկվող յուրաքանչյուր ոք:

(ՀՀ Սահմանադրություն, հոդված 54)

Հարց 26

Նշվածներից ո՞վքեր չունեն ընտրելու և ընտրվելու, ինչպես նաև հանրաքվեին մասնակցելու իրավունք՝

դիտավորությամբ կատարված ծանր հանցանքների համար դատարանի օրինական ուժի մեջ մտած դատավճռով դատապարտված և պատիժը կրող անձինք,

(ՀՀ Սահմանադրություն, հոդված 48)

Հարց 27

Նշվածներից ո՞վքեր չունեն ընտրելու և ընտրվելու, ինչպես նաև հանրաքվեին մասնակցելու իրավունք՝

դատարանի օրինական ուժի մեջ մտած վճռով անգործունակ ճանաչված անձինք,

(ՀՀ Սահմանադրություն, հոդված 48)

Հարց 28

Ի՞նչ նպատակով կարող է օրենքով սահմանափակվել տեղեկություններ ստանալու իրավունքը՝

Հանրային շահերի կամ այլոց հիմնական իրավունքների և ազատությունների պաշտպանության նպատակով:

(ՀՀ Սահմանադրություն, հոդված 51)

Հարց 29

Ի՞նչ իրավական ակտով են սահմանվում աշխատանքից ազատման հիմքերը.

օրենքով:

(ՀՀ Սահմանադրություն, հոդված 57)

Հարց 30

Նշվածներից ո՞ր տարիքի երեխաներին է մշտական աշխատանքի ընդունելն արգելվում.

մինչև 16 տարեկան:

(ՀՀ Սահմանադրություն, հոդված 57)

Հարց 31

Հղիության և ծննդաբերության դեպքում ո՞վ ունի վճարովի արձակուրդի իրավունք.

յուրաքանչյուր աշխատող կին:

(ՀՀ Սահմանադրություն, հոդված 57)

Հարց 32

Ովքե՞ր չեն կարող լինել կուսակցության անդամ.

դատավորները, դատախազները և քննիչները:

(ՀՀ Սահմանադրություն, հոդված 46)

Հարց 33

Ո՞ր միջոցների հաշվին է օրենքով նախատեսված դեպքերում ցույց տրվում իրավաբանական օգնություն՝

Պետական միջոցների հաշվին:

(ՀՀ Սահմանադրություն, հոդված 64)

Հարց 34

Նշվածներից ո՞վ ունի ներման ներառյալ նշանակված պատիժը մեղմացնելու խնդրանքի իրավունք՝

Յուրաքանչյուր դատապարտյալ:

(ՀՀ Սահմանադրություն, հոդված 70)

Հարց 35

Ի՞նչ իրավական ակտով են սահմանվում հավաքների ազատության իրականացման և պաշտպանության պայմաններն ու կարգը.

օրենքով:

(ՀՀ Սահմանադրություն, հոդված 44)

Հարց 36

Կուսակցությունները տարեկան հաշվետվություններ են հրապարակում՝

իրենց ֆինանսական միջոցների աղբյուրների և ծախսերի, ինչպես նաև իրենց գույքի մասին:

(ՀՀ Սահմանադրություն, հոդված 46)

Հարց 37

Ո՞ր մարմնի որոշմամբ կարող է խուզարկվել բնակարանը.

միայն դատարանի որոշմամբ՝ օրենքով սահմանված դեպքերում և կարգով:

(ՀՀ Սահմանադրություն, հոդված 32)

Հարց 38

Ո՞վ կարող է ընտրվել Ազգային ժողովի պատգամավոր.

քսանհինգ տարին լրացած, վերջին չորս տարում միայն ՀՀ քաղաքացի հանդիսացող, վերջին չորս տարում միայն ՀՀ-ում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք:

(ՀՀ Սահմանադրություն, հոդված 48)

Հարց 39

Ազգային ժողովի ընտրության կամ հանրաքվեի օրը ովքե՞ր իրավունք ունեն ընտրելու և հանրաքվեին մասնակցելու.

տասնութ տարին լրացած ՀՀ քաղաքացիները:

(ՀՀ Սահմանադրություն, հոդված 48)

Հարց 40

Նշվածներից ո՞ր իրավական ակտով են սահմանվում ՀՀ քաղաքացիության ձեռքբերման և դադարեցման հիմքերը.

օրենքով:

(ՀՀ Սահմանադրություն, հոդված 47)

Հարց 41

Անձի իրավական վիճակը վատթարացնող օրենքները և այլ իրավական ակտերը.

չունեն հետադարձ ուժ:

(ՀՀ Սահմանադրություն, հոդված 73)

Հարց 42

Ի՞նչ իրավական ակտով է սահմանվում նվազագույն աշխատավարձի չափը.

օրենքով:

(ՀՀ Սահմանադրություն, հոդված 84)

Հարց 43

Ո՞վ իրավունք ունի մուտք գործելու Հայաստանի Հանրապետություն.

յուրաքանչյուր քաղաքացի և ՀՀ-ում օրինական հիմքերով բնակվելու իրավունք ունեցող
յուրաքանչյուր ոք:

(ՀՀ Սահմանադրություն, հոդված 40)

Հարց 44

Պատգամավորների ձայների ի՞նչ հարաբեակցությամբ են ընդունվում սահմանադրական օրենքները`

Պատգամավորների ընդհանուր թվի ձայների առնվազն երեք հինգերորդով:

(ՀՀ Սահմանադրություն, հոդված 103)

Հարց 45

Քանի՞ անդամից է կազմված Կենտրոնական ընտրական հանձնաժողովը.
յոթ անդամից:

(ՀՀ Սահմանադրություն, հոդված 195)

Հարց 46

Ո՞վ կարող է ընտրվել Կենտրոնական ընտրական հանձնաժողովի անդամ.

բարձրագույն կրթություն ունեցող և պատգամավորին ներկայացվող պահանջներին համապատասխանող յուրաքանչյուր ոք:

(ՀՀ Սահմանադրություն, հոդված 195)

Հարց 47

Ո՞վ է դադարեցնում Կենտրոնական ընտրական հանձնաժողովի անդամի լիազորությունները.

Ազգային ժողովը՝ պատգամավորների ընդհանուր թվի ձայների առնվազն երեք հինգերորդով:

(ՀՀ Սահմանադրություն, հոդված 195)

Հարց 48

Նշվածներից ո՞րն է տեղական ինքնակառավարման սահմանումը՝ ըստ ՀՀ Սահմանադրության 179-րդ հոդվածի՝

Տեղական ինքնակառավարումը տեղական ինքնակառավարման մարմինների իրավունքն ու կարողությունն է՝ համայնքի բնակիչների շահերից ելնելով, Սահմանադրությանը և օրենքներին համապատասխան, սեփական պատասխանատվությամբ լուծելու տեղական նշանակության հանրային հարցերը:

(ՀՀ Սահմանադրություն, հոդված 179)

Հարց 49

Ի՞նչ իրավական կարգավիճակ ունի համայնքը՝

Հանրային իրավունքի իրավաբանական անձ է:

(ՀՀ Սահմանադրություն, հոդված 180)

Հարց 50

Պետական մարմինների լիազորությունների առավել արդյունավետ իրականացման նպատակով դրանք օրենքով ու՞մ /ո՞ր մարմիններին/ կարող են պատվիրակվել՝

Տեղական ինքնակառավարման մարմիններին:

(ՀՀ Սահմանադրություն, հոդված 182)

Հարց 51

Նշվածներից որ՞ն է համայնքի ավագանու լիազորություններից՝

Օրենքով սահմանված կարգով ընդունել ենթաօրենսդրական նորմատիվ իրավական ակտեր, որոնք ենթակա են կատարման համայնքի տարածքում:

(ՀՀ Սահմանադրություն, հոդված 182)

Հարց 52

Համայնքի բնակիչները ինչպե՞ս կարող են անմիջականորեն մասնակցել համայնքի գործերի կառավարմանը՝

Համայնքային նշանակության հանրային հարցերը տեղական հանրաքվեով լուծելու միջոցով:

(ՀՀ Սահմանադրություն, հոդված 183)

Հարց 53

Նշվածներից ո՞րն է համայնքի ավագանու լիազորություններից՝

Օրենքով սահմանված կարգով տնօրինում է համայնքի սեփականությունը:

(ՀՀ Սահմանադրություն, հոդված 184)